

Ministarstvo za boračka pitanja Kantona Sarajevo, ul. Reisa Dž. Čauševića br. 1, koga zastupa ministar mr. Ismir Jusko, (u daljem tekstu: Ministarstvo)

i

Općina Trnovo, ul. Trnovo bb, koju zastupa načelnik Ibro Berilo (u daljem tekstu: Općina)

zaključili su

SPORAZUM

o sufinansiranju izgradnje Spomen obilježja rahmetli Zaimu Imamoviću na lokalitetu Dujmovska brda, Općina Trnovo

Član 1.

Ovim Sporazumom utvrđuju se međusobna prava i obaveze Ministarstva i Općine u cilju sufinansiranja izgradnje Spomen obilježja rahmetli Zaimu Imamoviću na lokalitetu Dujmovska brda, Općina Trnovo.

Član 2.

Ministarstvo je po Sporazumu broj 06-14-33799/18 od 09.11.2018. godine, na teret budžetske 2018. godine, Općini doznačilo sredstva u iznosu od 25.500 KM.

Ministarstvo se obavezuje da u svrhu realizacije projekta iz člana 1. ovog Ugovora, na teret budžetske 2019. godine, Općini uplati finansijska sredstva u iznosu od 20.000,00 KM (slovima: dvadeset hiljada KM).

Član 3.

Navedeni iznos iz člana 2. će se uplatiti na depozitni račun Općine Trnovo broj; 3380002205001259 kod Unicredit bank, šifra općine 093, vrsta prihoda 742-114, nakon potpisivanja ovog Sporazuma,.

Član 4.

Sredstva u iznosu od 20.000 KM iz će se isplatiti na teret pozicije 615100 Kapitalni transferi drugim nivoima vlasti DAI001 „Sredstva za postavljanje i sanaciju spomen obilježja šehidima i poginulim borcima na području Kantona Sarajevo“ Ministarstva, u Budžetu Kantona Sarajevo za 2019. godinu.

Član 5.

Općina je u svrhu realizacije projekata iz člana 1. ovog Sporazuma odredila lokaciju i riješila imovinsko-pravne odnose.

Član 6.

Općina se obavezuje osigurati potrebnu dokumentaciju i neophodne saglasnosti, te provesti sve potrebne radnje i procedure Javne nabavke u skladu sa Zakonom o javnim nabavkama ("Službeni glasnik Bosne i Hercegovine" br: 39/14), odnosno sa odabranim ponuđačem potpisati odgovarajući ugovor.

Općina se obavezuje da u cilju uspješne realizacije projekta iz tačke 1. ovog Sporazuma nadzor nad izvođenjem radova vrši nadzorni organ općine Trnovo.

Član 7.

Općina se obavezuje da po realizaciji projekta iz člana 1. ovog Sporazuma, odnosno utrošku sredstava dostavi Ministarstvu dokumentovani finansijski izvještaj. Izvještaj će biti dostavljen u roku od 15 dana od dana završetka aktivnosti, a Ministarstvo može zatražiti dostavljanje privremenog izvještaja, naročito ako se realizacije produži u narednu godinu.

Član 8.

Ukoliko dođe do obustave realizacije, odnosno do otkazivanja projekta, Općina je o nastalim okolnostima obavezna odmah obavijestiti Ministarstvu, te po dobivenoj instrukciji izvršiti povrat sredstava na račun Kantona Sarajevo.

Član 9.

Ugovorne strane su suglasne da će sve eventualne sporove riješiti mirnim putem, sporazumno, a u suprotnom nadležan je Općinski sud u Sarajevu.

Član 10.

Ovaj sporazum zaključen je u 4 (četiri) istovjetna primjerka, od kojih svaka strana zadržava po 2 (dva) primjerka, a stupa na snagu danom potpisivanja od strane ovlaštenih lica Ministarstva i Općine.

Za Ministarstvo za boračka
pitanja Kantona Sarajevo

Ministar

mr. Ismir Jusko

Broj: 06-14-34812-1/19
Sarajevo, 18.12.2019.

Za Općinu Trnovo

Načelnik

Ibro Berilo

Broj: 02-14-4356/19
Trnovo,